



Broj: 01/02-04-18001-1/17
Zenica, 29.12.2017. godine

g-din MUNIB HUSEJNAGIĆ, poslanik u Skupštini Zeničko-dobojskog kantona

PREDMET: Odgovor na poslaničko pitanje sa 52. sjednice Skupštine

Poštovani,

Na 52. sjednici Skupštine Zeničko-dobojskog kantona održanoj **dana 22.12.2017. godine**, u okviru predtačke dnevnog reda: „Postavljanje poslaničkih pitanja i pokretanje inicijativa“, postavili ste pitanje sekretaru Skupštine, Komisiji za borbu protiv korupcije i Ministarstvu finansija, u vezi postojanja ograničenja kod izbora članova radnih tijela Skupštine, (mислеći na izbor Senada Uzeirbegovića za člana Komisije za nadzor rada policije), **povodom čega Vam, kao sekretar Skupštine, u okviru svoje nadležnosti, dostavljam slijedeći odgovor:**

Imenovanje stalnih radnih tijela Skupštine je regulisano odredbama članova 23. i 24. Poslovnika Skupštine Zeničko-dobojskog kantona - Novi Prečišćeni tekst («Službene novine Zeničko-dobojskog kantona», broj: 7/12 i 12/13).

Članom 23. Poslovnika je propisano da se stalna radna tijela formiraju prema stranačkom sastavu Skupštine u najvećoj mogućoj mjeri, da prijedloge za članove podnose klubovi poslanika, da stalno radno tijelo ima predsjedavajućeg i zamjenika, imenovanog odlukom o osnivanju, te da se u principu vodi računa da jedan poslanik ne bude član više od dva stalna radna tijela.

Članom 24. Poslovnika je propisano da stalna radna tijela u svom sastavu mogu imati članove koji nisu poslanici u Skupštini, a koji predstavljaju relevantne stručnjake iz oblasti koja je u nadležnosti radnog tijela. Vanskupštinski član radnog tijela može biti i lice - predstavnik organizacije ili institucije relevantne za pitanja iz nadležnosti tijela.

Broj vanskupštinskih članova stalnog radnog tijela je najviše dva, izuzev Zakonodavno-pravne i Komisije za ustavna pitanja. Ukupan broj članova stalnog radnog tijela ne može biti veći od pet izuzev komisija iz prethodnog stava.

Ispitivanje svih propisanih uslova za imenovanje članova stalnih radnih tijela Skupštine je u nadležnosti Komisije za izbor i imenovanja Skupštine, koja shodno odredbi člana 33. tačka a) i b) Poslovnika Skupštine Zeničko-dobojskog kantona, razmatra pitanja vezana za izbor, imenovanja, potvrđivanja i razrješenja u nadležnosti Skupštine, priprema prijedloge, obrazloženja i potrebnu dokumentaciju za izbor, imenovanje, potvrđivanje ili razrješenje svih osoba nosilaca funkcija za čiji je izbor, imenovanje, potvrđivanje i razrješenje nadležna Skupština.

U konkretnom slučaju dana 20.11.2017. godine Klub poslanika SDA u Skupštini Kantona je dostavio Stručnoj službi Skupštine dopis broj: Z-07-04-021-84/17, kojim ispred SDA predlaže zamjenu vanskupštinskog člana Komisije za nadzor rada policije Jasmina Imamovića, novim vanskupštinskim članom Uzeirbegović Senadom iz Zenice, koji je dostavljen Komisiji za izbor i imenovanja Skupštine, koja je na 25. sjednici održanoj 23.11.2017. godine razmatrala navedeni prijedlog, te konstatovala da su ispunjeni uslovi za izmjenu sastava ovog stalnog radnog tijela 7.

saziva Skupštine, te je utvrdila Prijedlog Odluke o izmjeni Odluke o izboru stalnih radnih tijela 7. saziva Skupštine Zeničko-dobojskog kantona i istu uputila u skupštinsku proceduru.

Na 50. sjednici Skupštine Zeničko-dobojskog kantona održanoj dana 29.11.2017. godine Skupština Zeničko-dobojskog kantona je nakon otvorene rasprave u kojoj nije bilo učesnika, većinom glasova sa 21 glasom «za», bez glasova «protiv» i sa 2 «uzdržana» glasa donijela Odluku o izmjeni Odluke o izboru stalnih radnih tijela 7. saziva Skupštine Zeničko-dobojskog kantona.

S poštovanjem,


SEKRETAR
Ibrahim Avdagić
Ibrahim Avdagić

Dostavljeno:

- Imenovanom,
- 1x Svim poslanicima Skupštine/05-03
- 1 x Komisiji za borbu protiv korupcije Skupštine ZDK, (04-02), (na znanje)
- 1 x Komisiji za izbor i imenovanja Skupštine ZDK, (04-02), (na znanje)
- 1 x U spis predmeta/05-03